



Ein god kombinasjon!

**Brazzooka gleder stadig nye publikummarar med gladmusikken sin.**

**Lørdag hadde dei ein travel dag under FitjarFestivalen, og responsen og tilbakemeldingane er også denne gongen svært gode.**

I løpet av festivaldagen hadde bandet tre opptredenar.

Det starta med konsert i samband med opninga om føremiddagen. I halv sekstida spela dei for eit firma på båttur då dei kom inn til Fitjar, og så avslutta dei med ei halvtimes konsertavdeling under hovudkonserten om kvelden. Då var dei oppvaminsband for det legendariske rockebandet Dance with a Stranger. Det var ein særskild god kombinasjon. Dei unge muskarane var eit svært begeistra publikum for dei erfarne rockarane, og den dugande og velkjende gitaristen i bandet, Frode Alnes, viste at han sette stor pris på ungdommane med stadige Brazzooka-rop frå scenen.

Begge banda har flott utstråling på scenen. Likevel er nok det erfarne rockebandet gode læremeistrar for ungdommane. På hovudkonserten deltok og Idol- og Grand Prix-kjendis Bjørn Johan Muri og trubaduren Jo-Jo.

Brazzooka kom svært godt frå alle sine tre opptredenar under FitjarFestivalen.

Innimellom speljinga tok muskarane seg tid til å sjå musikklinja ved Stord vidaregåande skule sissvært gode teaterførestelling av Emil i Lønneberga. Brazzooka-trompetist Elisabeth N. Fylkesnes hadde ei svært aktiv rolle både i orkester og som skodespelar i den imponerende framføringa.

I det som var att av ledige stunder kosa Brazzooka-gjengen med det som var av tilbud under FitjarFestivalen. Festivalen som varer frå torsdag til søndag, vart arrangert for første gang i år.

Neste opptreden for Brazzooka er i Sauda i midten av september.

Av Thor Inge Døssland



Brazzooka under hovedkonserten